



Prof. Yaakob Terima Anugerah Khas Inovasi Islam 2010



PUTRAJAYA, 5 Ogos – Pengarah Institut Penyelidikan Produk Halal (IPPH) Universiti Putra Malaysia (UPM), Prof. Dr. Yaakob Bin Che Man memenangi Anugerah Khas Inovasi Islam 2010 dalam Karnival Inovasi Islam Peringkat Kebangsaan.

Beliau memenangi anugerah tersebut melalui peralatan mengesan pengesanan kandungan babi dalam makanan yang merupakan sumbangan paling besar dalam bidang halal ehwal Islam.

Katanya alat yang dikenali sebagai HaFSY atau sistem pengesanan halal yang dibangunkan IPPH mengesan asid deoxyribonucleic (DNA) dalam sesuatu produk sama ada mengandungi DNA babi atau tidak.



“Produk penyelidikan yang dibangunkan selama lebih setahun ini terbukti pantas mendapatkan keputusan dan mudah di bawa ke mana-mana.

“Dengan penggunaan produk ini, sesiapa saja boleh menguji sesuatu produk tanpa memerlukan kelayakan dalam bidang kajian DNA,” katanya pada majlis yang diadakan di Masjid Tuanku Mizan Zainal Abidin di sini dan dihadiri oleh Timbalan Perdana Menteri, Tan Sri Muhyiddin Yassin.